

一切法功德莊嚴王佛說是經已諸大菩薩及
聲聞衆天龍藥叉阿蘇羅乾達婆人非人等
皆大歡喜信受奉行

佛說一切法功德莊嚴王經

佛說拔除罪障呪王經

唐三藏法師義淨奉 制譯

如是我聞一時薄伽梵在淨居天上爲諸大
衆說微妙法是時曼殊室利菩薩摩訶薩於
大衆中即從座起偏露右肩右膝著地合掌

向佛瞻仰尊容目未曾捨白佛言世尊此大
法門甚深微妙實爲希有然於當來五濁世
時惡業衆生具貪恚癡欺誑不信樂行非法
不修戒品專行詭僞彼於呪法所有威力神
通變現於諸國土隨其方處求者獲益功德
成就念誦儀軌祭祀法式皆不信受亦不依
行謂非佛說而爲謗毀惡障纏心即便命過
墮大地獄受極苦惱無有出期世尊此等衆
生旣遭大苦云何救護惟願慈悲救濟今出
爾時釋迦牟尼如來即便舒手摩曼殊室利

法王子頂告言善哉曼殊室利爲欲利益一切有情能問如來如是義利汝當諦聽極善作意我今爲汝說此呪法安樂人天利益一切於諸呪法最爲殊勝祕密甚深順菩提道依眞法界獲大功德於臨終時必能憶此大

行六

十六

力呪王正念現前當生善處即說呪曰

南麼薩婆怛他揭毖驪 阿羅嚧驪 唵

拘麼囉乎嚧比那 毗輸和三婆婆阿揭車

阿揭車 洛呼洛呼 勃纜勃纜 哈哈

氏那市 曼殊室利也 蘇室哩也 多賴

也漫引薩婆毒溪驪發發 苦麼也 苦麼也 阿弭都唄婆菩唄婆 婆波跛 謎那勢也 莎訶

曼殊室利此即是汝最勝根本呪藏心王神呪能除一切苦惱厄難諸惡罪障悉皆消滅長壽無病富樂無窮言詞聰辯衆人愛敬亦能通利一切呪王時釋迦牟尼如來說是語時諸佛刹土及此大地山河江海盡有情界六種震動一切惡趣餓鬼傍生琰魔王界地獄有情苦惱停息皆得安樂佛復告曼殊室

刹若天若人若男若女在家出家諸有情類
若能志心受持此呪王者不被惡人之所欺
謗魔不得便怨不能害毒不能傷一切障礙
毗那夜迦皆自退散其受持者應起此心諸
佛世尊難思議法惟佛與佛乃能證知我今
豈敢輒生誹謗爾時世尊說此法已彼諸大
衆并淨居天及餘諸天無量百千俱胝天龍
藥叉健達婆阿脩羅等禁呪成就諸大仙人
及曼殊室利法王子觀自在菩薩慈氏菩薩
大勢至菩薩執金剛菩薩如是等諸大菩薩

及阿僧祇世界諸佛刹土一切如來并諸菩
薩當共證知此大呪王是不思議法是大神
呪是大明呪是無上呪是無等等呪能除罪
苦障真實不虛爾時諸天大衆聞說呪王皆
大歡喜頂戴奉行

佛說拔除罪障呪王經